

中國方志叢書·華中地方·第三五六號

據

清·多壽、羅凌漢等纂修
清同治七年刊本

影印

湖北省

恩施縣志

(一)

成文出版社有限公司印行



中華民國六十四年 月臺一版

恩施縣志

全三冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

原稿缺

國朝改衛設縣隸府施南爲附郭首邑
數十年休養生息沐浴

聖化其疆索之釐定田貨之蕃滋風俗之
醴美更有蒸蒸日上者太令多君曩
黻兩任斯邑見舊志或缺焉不載或
略焉不詳有志修焉而未之逮甲子
冬奉 方伯修志之檄適多君三莅

斯士於是舉其先後任之所見所聞
者進諸邑宿而纂核之復又博採旁
搜期於信今傳後卓創甫定旋調任
去接任羅君悉心參考雖覽其事書
成以稿示余並問序焉余好銳意與
廣閱其書文協體裁事符實錄洵足
考歷代沿革之制昭後世法守之規

異日者

聖天子採風問俗不遺遐陬凡以備掌故
而資參稽者胥於是乎在則多君之
有志竟成與諸君之相與有成而余
亦樂爲之觀厥成也於是乎書

序

今夫修志不外修史而修志之難較諸
修史為更難者何也蓋修史不難於文
獻之無徵而難於褒貶之宜當而修志
既難於褒貶之宜當並難於文獻之無
徵況恩邑域介荆梁星分翼軫居萬山
中舟車不通既少典籍之琳瑯又鮮故

老之著作雖僅有衛志府志各一抄而
披覽之下半皆缺遺藉非具學識之淵
博其何以稟經酌雅摘藻揚芬而流傳
於後世乎予自乙丑秋捧檄來施權篆
斯邑見其山川明秀人物清俊及一切
民風士習駸駸乎有古處之象焉迨後
疊奉

上憲嘉命督催邑乘前宰多君已草繕
八冊尚未付梓旋即調遷他任多君旣
創其始予故不能不繼其成矣爰選邑
紳訪名宿重加披閱極力蒐羅凡夫疆
域之遠近山川之源流以及官師學校
風俗建置文藝諸大端靡不一一涉獵
細心參考不執己見不拘人情不以是

為非不以曲為直不以莠為良不以賢
為否於其繁縟者刪之非敢妄刪也於
其簡畧者增之非敢妄增也至于體例
門類要皆斟酌盡善鱗次編為六冊務
期傳之後世炳若日星受之行人燎如
指掌不然使草創未博討論未精修飾
未合潤色未工言之無文行之不遠安

序

昔子朱子知南康下車卽首問其方志論者謂爲知務
蓋政治之得失於民風見之疆域旣殊民皆各有其風
氣以成其俗脩政教者不備察夫盛衰升降之故亦安
能得所利病而緩急輕重以布之此周官外史掌邦國
之志所以爲後世考政問俗計非徒繪其山川揚其僻
華僮作雞次之云而已三代之志郡爲附郭縣其志云
省較遠舟車之所不過余自戊午挾檄入山即取其舊
志而一再讀之見夫山川道里之迷離田貨經制之同

風俗沿革之外遺與見今所行者十不得其二三焉
詢諸人士會曰明季兵燹載籍無存僅有王氏衛志抄
本一冊於前代沿流已不能悉張志脩於嘉慶年亦未
設局採訪惟就政府後約畧言之無一語及於衛事者
其他更可知矣羅氏府志載恩施一邑稍詳然王郡伯
謂其畧於近今猶非完書故捐廉延紳意將補其不及
乃開局未久羅君以事去官王公亦擢觀察而行遂攜
其稿於吳中付鈔實皆未成之書也今夫恩邑之志本
不同於他邑他邑縣自爲縣詳一縣之事斯已耳恩施

在前代爲郡爲州爲縣已自變置不常而省縣入州改
州爲衛又改衛爲縣改縣爲府其間或屬郡治或屬州
治或屬衛治作者苟無體例以酌乎其中又於府志
奚別余方欲與二三君子究厥指歸以補缺拾遺乃粵
賊內竄戎事倥偬迄無暇晷同治初元防勦甫撤余又
以割割出山凡所欲見諸施行者迫不及待也甲子秋
三遊斯土時全我部伯夏公勤政造士百廢俱脩而
舊志亦具增修之教下諸郡縣於是詢集邑紳博采遐
搜踵舊志而增修之雖不足爲一隅之完書然援之行

八以上答

夫憲之嘉言且以訓 諸君之盛德三言諸
後之蒞斯土者雖或指余之國而謂以了朱子下車
閱志之義亦謂爲先務之當急也哉

同治三年歲次甲子

孟春月

陞用同知直隸州知口多壽撰

恩縣縣事長

序

星分冀軫地介衡湘上控三巴下通七澤湖沙渠之
疆域攷夷水之源流隸楚北之宏圖屬施南之首縣
文瀾疊湧江光繞郭以流清秀氣特鍾峰影凌波而
映碧觀萬山兮雲布鳥道回環合六邑兮星羅大房
相錯亭登問月仙人詩酒留名山對客星遊子鄉關
誌感畫屏則丹巖排列文筆則翠嶂崢嶸滂龍洞之
清潭波翻白石入鱗溪之書院土萃青衿三石山
蟠龍池名洗馬樓登太白閣上澄清讀易巖邊時時

古蹟勸農臺上軫念民艱山疊疊兮連珠峰重重兮
積王名蹟原多可紀勝事亦足追尋雖或美堪揚固
在通都大邑而傳聞必錄不遺僻壤遐陬恩邑自改
土以來設縣而後沐

帝德

之深厚幸文教之漸彰採訪之力當勤紀載之書
難缺是故疆場之地紀其界山川之勝誌其名遠而
昔賢何可湮其著述近而名士亦可記其留題志昭
忠則大綱以舉勸忠之道以明志節孝則正氣常存
教孝之情以篤而況山盤桓以毓秀水斷折以効靈

文運漸近昌明人士頗增蔚起爰合名區勝蹟互爲
參詳懿行嘉言時加考訂採鴻文於藻翰竹簡垂
列雁字於芸編松烟暈碧因於已成之帙告竣之經
檢閱霜晨辛勤不憚參稽雪夜子細維殷恒慮音義
之訛深辨魯魚之誤創何嫌草尚祈修飾有資詳考
不華更須潤色有待是爲序

同治七年歲次戊辰仲春月

鹽運使銜儘先補用府權施南府事禮陽吳从安撰